

Na osnovu člana 106. stav (5). Zakona o visokom obrazovanju – prečišćeni tekst (“Službene novine Tuzlanskog kantona” broj: 21/21, 22/21, 5/22, 11/22 i 16/22), ministar obrazovanja i nauke Tuzlanskog kantona donosi

## **O D L U K U**

### **o utvrđivanju uslova, kriterija i postupka za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona u akademskoj 2024/2025. godini**

#### **Član 1. (Predmet)**

Ovom odlukom utvrđuju se uslovi, kriteriji i postupak za dodjelu stipendija redovnim studentima sa invaliditetom (u daljem tekstu: kandidat), koji studiraju na prvom ili integrisanom prvom i drugom ciklusu studija na javnoj visokoškolskoj ustanovi sa sjedištem na području Tuzlanskog kantona (u daljem tekstu: Univerzitet), u akademskoj 2024/2025. godini.

#### **Član 2. (Finansijska sredstva)**

(1) Sredstva za dodjelu stipendija, za tekuću akademsku godinu, osigurana su u Budžetu Tuzlanskog kantona za 2024. godinu na budžetskoj poziciji Ministarstva obrazovanje i nauke 24010018, ekonomski kod 614200 – tekući transferi pojedincima (subanalitika OAD 200).

(2) Stipendija može biti dodijeljena jednokratno ili u više mjesečnih rata, zavisno od planiranih i raspoloživih sredstava u Budžetu, što se bliže određuje ugovorom iz člana 13. ove odluke.

#### **Član 3. (Visina stipendije)**

Ukupna visina stipendije po jednom kandidatu, ukupan broj stipendija i način isplate utvrdit će se posebnom odlukom ministra obrazovanja i nauke Tuzlanskog kantona (u daljem tekstu: ministar), shodno raspoloživim sredstvima u Budžetu Tuzlanskog kantona.

#### **Član 4. (Uslovi za dodjelu stipendije)**

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da je redovan student prvog ili integrisanog prvog i drugog ciklusa studija na Univerzitetu,
- c) da nije korisnik stipendije iz Budžeta Tuzlanskog kantona po nekom drugom osnovu,
- d) da ima status lica sa invaliditetom.

#### **Član 5. (Kriteriji za dodjelu stipendija)**

Rangiranje kandidata za dodjelu stipendije vrši se na osnovu sljedećih kriterija:

- a) visina prosjeka ocjena ostvarena u prethodnoj godini studija/školovanja u odnosu na godinu studija koju je kandidat upisao u akademskoj godini u kojoj se stipendija dodjeljuje,
- b) stepen invalidnosti.

#### **Član 6. (Bodovanje po osnovu uspjeha ostvarenog u prethodnoj godini studija/redovnog školovanja)**

(1) Po osnovu uspjeha ostvarenog u prethodnoj godini studija, kandidatu pripadaju bodovi kako slijedi:

- a) prosjek ocjena 10.....10 bodova
- b) prosjek ocjena 9,50 - 9,99..... 9 bodova
- c) prosjek ocjena 9,00 - 9,49..... 8 bodova
- d) prosjek ocjena 8,50 - 8,99..... 7 bodova
- e) prosjek ocjena 8,00 - 8,49.....6 bodova
- f) prosjek ocjena 7,50 - 7,99 .....5 bodova
- g) prosjek ocjena 7,00 - 7,49 .....4 boda
- h) prosjek ocjena 6,50 - 6,99 .....3 boda
- i) prosjek ocjena 6,00 - 6,49 .....2 boda.

(2) Po osnovu uspjeha ostvarenog u prethodnoj godini redovnog školovanja za studente prve godine studija, kandidatu pripadaju bodovi kako slijedi:

- a) odličan uspjeh – prosjek 5,00.....10 bodova
- b) odličan uspjeh – prosjek 4,50 do 4,49..... 9 bodova
- c) vrlo dobar uspjeh – prosjek 4,00 do 4,49..... 7 bodova
- d) vrlo dobar uspjeh – prosjek 3,50 do 3,99..... 6 bodova
- e) dobar uspjeh – prosjek 3,00 do 3,49..... 4 boda
- f) dobar uspjeh – prosjek 2,50 do 2,99.....3 boda
- g) dovoljan uspjeh – prosjek 2,00 do 2,49 .....1 bod.

#### **Član 7.**

##### **(Bodovanje po osnovu stepena invalidnosti)**

Po osnovu stepena invalidnosti kandidatu pripadaju sljedeći bodovi:

- a) stepen invalidnosti od 90 do 100%.....10 bodova
- b) stepen invalidnosti od 80 do 90%..... 9 bodova
- c) stepen invalidnosti od 70 do 80%..... 8 bodova
- d) stepen invalidnosti od 60 do 70 %.....7 bodova
- e) stepen invalidnosti od 50 do 60 %.....6 bodova
- f) stepen invalidnosti od 40 do 50 %.....5 bodova
- g) stepen invalidnosti od 30 do 40 %.....4 boda
- h) stepen invalidnosti od 20 do 30 %.....3 boda
- i) stepen invalidnosti od 10 do 20% .....2 boda.

#### **Član 8.**

##### **(Prednost pri jednakom broju bodova)**

Ukoliko na rang listi dva ili više kandidata ostvare isti broj bodova, prednost na rang listi, odnosno prednost pri dodjeli stipendije, ostavrit će kandidat koji pohađa višu godinu studija.

#### **Član 9.**

##### **(Donošenje odluke i raspisivanje konkursa)**

(1) Odluku o raspisivanju konkursa za dodjelu stipendija redovnim studentima sa invaliditetom, donosi Ministarstvo obrazovanja i nauke Tuzlanskog kantona (u daljem tekstu: Ministarstvo).

(2) Konkurs se objavljuje na internet stranici Ministarstva, a uporedo sa objavljivanjem konkursa Ministarstvo o objavljenom konkursu, u pisanoj formi, obavještava Univerzitet, koju je tu obavijest obavezan postaviti na oglasnoj ploči Univerziteta.

(3) Prijava na konkurs, sa potrebnom dokumentacijom, podnosi se Ministarstvu, u roku od petnaest dana od dana objavljivanja na internet stranici Ministarstva.

(2) Tekst konkursa obavezno sadrži:

- a) pravni osnov za raspisivanje konkursa,
- b) rok za podnošenje prijave,

- c) iznos stipendije koji se dodjeljuje,
- d) uslove i kriterije za dodjelu stipendija,
- e) spisak potrebne dokumentacije,
- f) druge elemente značajne za provođenje konkursa.

### **Član 10.**

#### **(Prijava na konkurs)**

(1) Uz prijavu na konkurs koja je sastavni dio ove odluke (prilog 1), kandidat dostavlja sljedeću dokumentaciju (u originalu ili ovjerenj kopiji)

- a) uvjerenje o državljanstvu,
- b) uvjerenje da je redovan student na Univerzitetu u akademskoj 2024/2025. godini,
- c) uvjerenje o ostvarenom prosjeku ocjena u prethodnoj godini studija/školovanja u odnosu na godinu studija koju je kandidat upisao u akademskoj godini u kojoj se stipendija dodjeljuje,
- d) nalaz, ocjenu i mišljenje Instituta za medicinsko vještačenje zdravstvenog stanja kojim se utvrđuje postotak invalidnosti,
- e) ovjerenu izjavu da nije korisnik stipendije iz Budžeta Tuzlanskog kantona po drugom osnovu,
- f) drugu dokumentaciju određenu tekstem konkursa.

(2) Prijave koje nisu sačinjene na obrascu iz stava (1) ovog člana, neće se uzimati u razmatranje, što će posebno biti naznačeno u tekstu konkursa.

### **Član 11.**

#### **(Imenovanje i sastav Komisije)**

(1) Konkursnu proceduru provodi Komisija koju imenuje ministar, u roku od 10 dana od dana isteka roka za podnošenje prijave na konkurs.

(2) Komisija ima tri člana, imenovana ispred Ministarstva.

(3) Komisija za svoj rad odgovara Ministru.

(4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava.

(5) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od osnova i najkasnije u roku od 30 dana od dana isteka roka za podnošenje prijave na konkurs sačiniti jedinstvenu rang listu i istu objaviti na internet stranici Ministarstva.

(6) Rang lista kandidata obavezno sadrži:

- a) prezime, ime jednog roditelja i ime kandidata,
- b) broj bodova po svakom od utvrđenih osnova,
- c) ukupan broj bodova po svim osnovama i
- d) pouku o pravnom lijeku sa tačno naznačenim rokom za ulaganje prigovora.

(7) Neblagovremene i nepotpune prijave Komisija neće uzimati u razmatranje, a prijavljeni kandidati o istom se obavještavaju sačinjavanjem posebne liste.

### **Član 12.**

#### **(Postupak po prigovoru i donošenje konačne rang liste)**

(1) Nezadovoljni kandidati mogu podnijeti prigovor na rang listu u roku od osam dana od dana isticanja listi na internet stranici Ministarstva.

(2) O prigovorima iz stava (1) ovog člana odlučuje ministar u roku od 15 dana od dana isteka roka za podnošenje prigovora.

(3) Konačnu rang listu za dodjelu stipendija utvrđuje ministar.

### **Član 13.**

#### **(Ugovor o stipendiranju)**

(1) Na osnovu konačne rang liste ministar sa kandidatom zaključuje ugovor o stipendiranju, kojim se bliže uređuju međusobna prava i obaveze.

(2) Ugovor iz stava (1) ovog člana zaključuje se najkasnije u roku od 30 dana od dana isticanja konačnih rang listi dobitnika stipendije na internet stranici Ministarstva.

(3) Kandidat koji u dostavljenom roku ne potpiše ugovor smatrat će se da je odustao od stipendije, izuzev ako kandidat iz opravdanih razloga nije u mogućnosti potpisati ugovor u ostavljenom roku, o čemu je obavezan dostaviti dokaz na osnovu koga će mu se utvrditi novi termin za potpisivanje ugovora.

(4) Stipendije su nepovratne pod uslovom da kandidat kao potpisnik ugovora redovno ispunjava svoje ugovorene obaveze.

### **Član 14.**

#### **(Isplata stipendije)**

(1) Isplata stipendije vrši se prijenosom sredstava na transakcijski račun korisnika, nakon zaključivanja ugovora iz člana 13. ove odluke.

(2) Prije zaključivanja ugovora iz stava (1) ovog člana ministar donosi odluku kojim utvrđuje listu dobitnika stipendije, a koja pored općih podataka o dobitnicima stipendije (ime i prezime, naziv visokoškolske ustanove i fakulteta, godina studija), sadrži i sljedeće podatke:

- a) pojedinačni iznos stipendije,
- b) način uplate dodijeljenih stipendija,
- c) budžetsku poziciju sa koje se sredstva odobravaju i
- d) eventualno druge relevantne podatke.

### **Član 15.**

#### **(Gubitak prava na stipendiranje)**

(1) Korisnik gubi pravo na isplatu stipendije, a isplaćenu stipendiju dužan je vratiti u cjelosti ili odgovarajućem iznosu, u zavisnosti od okolnosti koje su dovele do gubitka stipendije, što će se posebno regulisati odredbama ugovora, ukoliko nastupe sljedeće okolnosti:

- a) ako mu bude izrečena disciplinska mjera isključenja sa Univerziteta,
- c) ako mu po nekom osnovu prestane status redovnog studenta na Univerzitetu,
- d) ako se naknadno utvrdi da je prilikom prijave na konkurs iznio lažne činjenice ili upotrijebio lažne dokaze.

(2) Korisnik stipendije dužan je prijaviti svaku promjenu koja je od uticaja na korištenje dodijeljene stipendije, u roku od 15 dana od dana nastupanja iste .

### **Član 16.**

#### **(Stupanje na snagu Odluke)**

Ova odluka stupa na snagu danom donošenja i biće objavljena u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo obrazovanje i nauke**  
**Broj: 10/1-11-027293/24**  
**Tuzla, 03.10.2024. godine**

**MINISTAR**

**Dr. sc. Ahmed Omerović**